

ACTA DA SESIÓN EXTRAORDINARIA E URXENTE CELEBRADA POLA XUNTA DE GOBERNO LOCAL O DÍA 5 DE MAIO DE 2015.

Asistentes:

Alcalde-Presidente:

D. José Demetrio Salgueiro Rapa

Vocais:

D^a Ana María Abad López

D^a M^a Dolores Meitin Guerreiro

Secretario:

D. Luís M. Fernández del Olmo

Interventora:

D^a Elena Santos Rey

Ausente:

D^a Cristina Iglesias Guerreiro

Na Casa Consistorial do Concello de Xove, sendo as catorce horas do día 5 de maio de dous mil quince, baixo a presidencia do Sr. Alcalde, D. José Demetrio Salgueiro Rapa, coa asistencia dos Sres. concelleiros á marxe relacionados, do Secretario, D. Luís María Fernández del Olmo, procedeuse a celebrar a sesión extraordinaria e urxente correspondente a este día, previa convocatoria ó efecto e en primeira convocatoria.

Sendo a hora sinalada, polo Sr. Alcalde declarouse aberta a sesión.

PUNTO ÚNICO: APROBACIÓN DA CONVOCATORIA PARA A CONCESIÓN DE PREMIOS DO CONCURSO LITERARIO E DE ARTES

PLÁSTICAS DO DÍA DAS LETRAS GALEGAS. ADOPCIÓN DE ACORDO.

Por Secretaría dáse conta á Xunta de Goberno Local da convocatoria do epígrafe que a seguir se transcribe íntegramente:

CONVOCATORIA PARA A CONCESIÓN DE PREMIOS DO CONCURSO LITERARIO E DE ARTES PLÁSTICAS DO DÍA DAS LETRAS GALEGAS 2015

O Concello de Xove, dentro do marco das competencias que ten atribuídas pola lexislación vixente ten como obxectivo incentivar o uso da lingua galega e potenciar a participación cidadá nos actos programados con motivo da celebración do Día das Letras Galegas, e realiza para tal fin a convocatoria de premios do Concurso Literario e de Artes Plásticas do Día das Letras Galegas, de acordo coas Bases aprobadas na Xunta de Goberno Local de 4 de abril de 2013, e coas seguintes especificacións:

1.- Entidade adxudicadora

a.- Organismo: Xunta de Goberno Local do Concello de Xove

b.- Departamento que tramita o expediente: Concellería de Cultura

2.- Obxecto.- Concesión de premios do concurso literario e de artes plásticas organizado polo Concello de Xove con motivo da celebración do Días das Letras Galegas. Os traballos deberán versar ou deben ter relación, ben co escritor/a a quen se lle adica o Día das Letras Galegas (en 2015 Xosé Filgueira Valverde) ou ben co idioma galego.

3.- Orzamento e tramitación anticipada do gasto

A contía máxima prevista destinada aos presentes premios é de 1.220,00 € con cargo á partida 334.481 do Estado de Gastos do Orzamento Municipal.

4.- Contía dos premios.- Haberá tres premios (primeiro, segundo e terceiro) por curso para cada un dos concursos.

Os premios consistirán en lotes de libros ou material escolar. O xurado poderá deixar deserto calquera dos premios, se así o considera oportuno. O orzamento total destinado ao presentes premios poderá ser dividido entre os resto de premios no caso de que algunha categoría quedara deserta co que o importe de cada lote de premios será variable en función do número de participantes.

Os traballos premiados poderán ser utilizados polo Concello na realización de publicacións, promocións ou outros. Neste caso, o Concello estará obrigado a que o nome do autor/a do traballo figure nun lugar visible da publicación.

De acordo co RD 439/2007, de 30 de marzo, polo que se aproba o Regulamento do Imposto sobre a Renta das Persoas Físicas, non están suxeitos a retención ningún dos anteriores premios.

5.- Requisitos dos participantes

Poderá participar no concurso e ser beneficiario destes premios calquer/a neno/a ou rapaz/rapaza empadroad/a no Concello de Xove en idade escolar (desde preescolar de 3 anos ata 4º de ESO). Na modalidade de Concurso Literario só poderán participar alumnos desde 1º de Primaria.

A documentación a presentar será a seguinte:

-Ficha de inscrición establecida ao efecto

A ficha de inscrición deberá presentarse, xunto co traballo realizado na Biblioteca Municipal ata o día 11 de maio.

6.- Procedemento de entrega de premios.- Unha vez rematado o prazo de entrega de postais, o xurado reunirse e levantará acta na que consten os premiados por orde decrecente e por categorías. Sobre a acta do xurado, emitirase informe-proposta polo Técnico Municipal de Cultura, que se elevará á Xunta de Goberno Local, órgano competente para a concesión dos premios.

Pola súa consideración de premio en especie, o establecemento ou establecementos comerciais nos que se adquiran os lotes de libros ou material escolar, deberá emitir factura a nome do beneficiario do premio ou do seu titor legal. Non obstante dita factura será abonada polo Concello.

8.-Outras informacións.- *Concelleira de Cultura ou Técnico Municipal de Cultura. Tlfo. 982.59.20.01*

Enterada, a Xunta de Goberno Local, por unanimidade dos seus membros asistentes á sesión acorda:

1º) Aproba-la convocatoria dos premios do concurso literario e de Artes Plásticas do Día das Letras Galegas, consonte as bases aprobadas na Xunta de Goberno Local de 4 de abril de 2013.

2º) Autoriza-lo gasto de 1.220,00 € con cargo á partida 334.481 do Estado de Gastos para o exercicio de 2015.

3º) Ordear a súa publicación na páxina web municipal e mediante anuncios no taboeiro de anuncios do concello ou calquera outro medio.

Sen máis asuntos que tratar, sendo as catorce horas e quince minutos, polo Sr. Alcalde-Presidente, remátase a sesión, extendéndose a acta presente, de todo o que, como Secretario, dou fé.

Vº e PR

O ALCALDE,

O SECRETARIO,

Asdo: José Demetrio Salgueiro Rapa

Asdo. Luís María Fernández del Olmo.